




27 MARZ 15

150 ans Hotel Bernina a Samedan. Cò as vezza l'hotel dal 1902 sün üna fotografia dad Angelo Klainguti.



1. AVRIGL 2015

Trais etappas in Chasa Puntota. La radunanza extraordinaria ha decis da realisar ingrandimaints e sanaziuns da la Dmura d'attempats Engiadina Bassa in trais etappas cun cuosts totals da 6.5 milliuns. Il plan muossa sur a dretta il tract vegl, suot a schneistra il tract nouw cun la colliaziun da l'etappa 2.



27 AVRIGL 2015

Shakespeare ad Ardez. Suot la redschia da Sara Hermann haun las giuwnas Marisa Büchel, Talina Planta, Laura Salomon, Amina Thoma ed Anina Triebs giuvo scenas da Shakespeare. L'ideja d'eira cha Shakespeare nun begia svesa scrit ünguotta, ma ch'el as prastaiva tschinch assistentas chi minchiuna vaiva da scriver scenas per sieus teaters. Üna as vaiva specialiseda sün scenas d'amur, ün'otra sün scenas da mordrarettsch ed uschè inavaunt. Il teater cha las giuwnas haun fat landrour es sto ün grand giodimaint per tuot il public.



4 MAI 2015

«Minieras in Grischun». Avant la radunanza dal Center cultural baselgia San Niclè ha Jachen Erni pudü salüdar ad Elisabeth e Jann Rehm chi han tgnü ün referat davart las minieras in Grischun.



5 MAI 2015

Bogn Engiadina Scuol vain imbelli. Mincha trais ons vain fatta üna revisiun plü gronda. Ingon vegnan investits 1.8 milliuns francs.



11 MEG 2015

Tschinch ans «Chasa Editura Rumantscha». La «CER» ho invido a Cuir per festiver il tschinchevel an da sia existenza. Anita Capaul, la mnedra, ho pudieu artschaiver ün grand public. Cun prelecziuns d'auturas ed autuors es gnieu festivo la cumparsa da las 27 ouvras chi sun gnidas edidas düraunt quists prüms tschinch ans.



12 MEG 2015

«Tamangur» da Leta Semadeni. A Cuir ho la scriptura, poeta e raquintedra Leta Semadeni preschanto sieu prüm roman titulo «Tamangur». Que es dapü cu be üna gita inavous a sias rischs a Scuol.